



SIUMUT

INATSISARTUNI ILAASORTAAQ / LANDSTINGSMEDLEM

Nuuk 12. Maj 2011

Inatsisartut suleriaasianni § 37 naapertorlugu matumuuna Naalackersuisunut apequt imaattoq saqqummiuppara:

Naalackersuisunut Apequt:

1. **Nunatsinni ilinniarfinnut iserniarnerni qallunaat oqaasiisa kalaallit oqaasiinut sanillullugit pingaernerutinneqarnerat Ilinniartitaanermut Naalackersuisup qanoq isumaqarfigaa?**
2. **Kalaallisuinnaq oqaasillit nunatsinni ilinniarfinni ilinniarsinnaalernissaat anguniarlugu Naalackersuisoq qanoq pilersaaruteqarpa?**
3. **Naalackersuisut nikinnerisa kingunerisaanik kalaallisuinnaq oqaasilinnut periarfissiinissamik anguniakkat allannguuteqaramik?**

(Inatsisartuni ilaasortaq, Doris Jakobsen Siumut)

Tunngavilersuut:

Ilinniartitaaneq pillugu Ilulissani kingullermik isumasioqatigiittoqarmat, anguniagassatut siunniunneqarpoq nunatsinni ilinniarfiit kalaallisuinnaq oqaasilinnut periarfissiiniarlutik suliniuteqassasut.

Ullumikkut ilinniarfippassuit qallunaat oqaasii pingaernerutillugit ingerlatsipput, imatut paasillugu qallunaatut piginnaasaqanngikkaanni ilinniarfinnut iserniarneq mattunneqareertarluni uffu sullitasat nunatsinni maani amerlanerpaat kalaallisut oqaasillit. Akerlianik tikisitat imaluunniit qallunaatuinnaq oqaasillit piumaffigineqarneq ajorput kalaallisut piginnaasaqarnissaannik, naak nunarput amerlanerpaanik kalaallisut oqaaseqarfiungaluartoq.

Assersuutigalugu ullumikkut Socialassistent-imut ilinniarnissamut qinnuteqarsimasut Perorsaaneramik ilinniarfimmik imatut allaffigineqarput:

”Pillugu: Socialassistent-imut ilinnialernissamut qinnuteqaatit pillugu

Perorsaanermik Ilinniarfimmi aggustip aallaqqaataani Social assistent-ingorniarnermut aallartittus-samut ilinniarniarlutit qinnuteqaatit tigusimalerparput.

Qinnuteqartut piukkussat toqqarneqartussaani pillugit, qinnuteqartut tamarmik qallunaatut allatta-riarsonermik suliaqartinneqassapput.

Taamaamat pappiliaq immersugassaq immersoriarlugu Perorsaanermik Ilinniarfimmu fax-ikkut mail-ikkulluunniit nassiutissavat kingusinnerpaamik marlunngornermi ulloq 17. Maj 2011, uunga E-mail-i: pi.sps@attat.gl imaluunniit fax +299 94 44 75

Socialassistent-mut ilinnialernissamut akissutit qinnuteqaatillu ataatsimut nalilerneqassapput Sapaatip akunnera 21-mi ilinnialernissamut aallartissanerlutit tusagaqarumaarputit.”

Allakkap taassumaannaalluunniit takutippaa, qallunaat oqaasii ilinniarfinnut iserniarnermi kalaallit oqaasiinut sanilliullugit pingaarnertinneqartut, isumaqarpunga taannaannarlunniit eqqarsaatigalugu FN’ip inuit pisinnaatitaaffii pillugit aalajangersagaannut inooqatigiinnikkut piorsarsimassutsikkullu pisinnaatitaaffiit naapertuuttumik naleqartitanik pisinnaatitaaffinnillu pilersitsinermi siammarsaanermilu aalajangersakkat eqqarsaatigalugit unioqqutitsisusooq, taamaamat Ilinniartitaanermut Naalakkersuisumut apeqquteqaatigissuara, periuseq tamanna Naalakkersuisup qanoq isumaliuuteqarfigineraa? Qanorlu pilersaaruteqarnersoq? Aammattaaq Naalakkersuisut nikinnerisa kingunerisaanik anguniakkat allannguuteqarsimanersut?